

IN THE TRADITIONAL RIGHTS COURT
OF THE
REPUBLIC OF THE MARSHALL ISLANDS

REPUBLIC OF THE MARSHALL ISLANDS,

Plaintiff(s),

-vs-

JAIBOL ANNI NACK, SEARS KOBENEY,


Defendants,

and, MARK MAWILONG,

Intervener.

CIVIL ACTION CASE NO. 2012-045

MELELE KO ILO CASE IN



RO UWAAN PANEL EO:

WALTER K. ELBON, PRESIDING CHIEF JUDGE
NIXON DAVID, ASSOCIATE JUDGE
GRACE LEBAN, ASSOCIATE JUDGE

RAAN IN RONJAKE: FEBRUARY 18, 21, 24, 2014 & APRIL 21, 22, and 23, 2014

JIKIN RONJAKE EO: ULIGA COURTHOUSE, MAJURO ATOLL

WAWEN KO KAR KOMMAN:

Kajjitok eo kar jakemantak: IAN REIN, JAIBOL ANNI NACK IM SEARS KOBENEY, DEFENDANT RO, IM INTERVENER EO, MARK MAWILONG, WON EO EKKAR BWE EN KABWIJER MARON EO AN SENIOR DRI JERBAL ION MURLE ISLAND, KWAJALEIN ATOLL, REPUBLIC EO AN MARSHALL ISLANDS?

UAAK EO NON KAJITOK EO: SEARS KOBENEY.

KOMELELE KO ILO TU KADRU IN IM UN KO REKKAR NON UAAK EO:

Ej alikar jen Menmenbwij ko kar jakimantak einwot kein kamol im jen kenono ko ilo kar ien ronjake eo bwe Murle Islands ilo Kwajalein Atoll ej Imon Bwij. Jino ibben Limaju (kora) ear wor lalem nejin. Ian rein lalem, ruo wot ear wor nejier, ritotata eo, Jomakro (emaan)im kora eo jatin Limandre.

Ro uwaan panel eo rej erra bwe ej manit eo in, bwe ilo Imon Bwij ro nejin, jibwin, im ro elikieor im rej jen emaan rej botoktok eo, ak toorin botoktok, im renaj jolet maron eo an Senior Dri Jerbal jino iben eo eritotata (lale TRC Opinion H/C CA No. 2006-138 im CA No. 2006-078). Elane enaj loot line in botoktok eo innem maron in enaj ilok non ro ilo line eo a bwij eo. Ejja ilo wawen in wot, elane enaj loot line in bwij eo, innem maron eo an Alap enaj ilok non line in botoktok eo. Ijjelokin wot ne ewor bwilok, innem enaj wor oktak ko. Ilo kar ien ronjake eo an case in ear ejelok kenono kin bwilok.

Ebar lon issue ko jet im kar kenono kaki ilo ien kar ronjake eo an case in imaan TRC. Einwot eo ikkijen minute in kwelok eo an Koba Maron iben alap im armij ro ewor aer ilo Murle Island, Kwajalein Atoll. Ear alikar jen kwelok eo einwot an kar ro uwaan panel eo an TRC lale video eo ke Ato im Sears rar jab erra bwe Mark Mawilong, leo jibun Althea en kabwijer maron eo an Senior Dri Jerbal ilo Murle Island. Mene Defendant Jaibol Nack ear jab bed ilo ien kwelok e oak ej alikar wot jen Menmenbwij eo an bamle in ke Ato im Sears rej ro rokkar tata bwe ren kabwijer maron eo an Senior Dri Jerbal einwot ke toor in botoktok ak ro jibun Jomakro im rej mour wot rainin.

Ikkijen pepa ko Irojlaplap Anjua Loeak ear sign non kwalok won eo ej Senior Dri Jerbal non Murle Islands, ej alikar non panel in ke jabdrewot pepa eo naj boklok non Irojlaplap Anjua Loeak bwe en dror eltan pein ie, inem enaj koman einwot in ak enaj sign. Wawen in ej alikar ilo case in an Murle Island einwot an kar kile kajojo rein ilo party kein jilu ilo ien ko kajojo rein rar boklok papa ko aer bwe en dror eltan pein ie ak en sign.

Ikkijen kein kamol, Intervenor Exhibit I1A im I1B, panel eo an TRC ej loe bwe ejelok un ko rellap im ekkar einwot ilo manit bwe enkar wor oktak ko im rejab loor wot lajrak eo liktak jen Jomakro im ro nejin im jibwin im rej mour wot rainin. An kar Zedkeia Nack kar bok maron eo enwot Senior Dri Jerbal non Murle Island ear jab jejjot im ekkar einwot ke ejanin kar loot line in botoktok eo liktak einwot jen ro nejin non ro jibwin Jomakro. Panel eo an TRC ej tomak im kile

2. Lenkwadrik Abija
3. Althea Mawilong
4. Resneld White
5. Sears Kobeney
6. Tanya Lomae

KEIN KAMOL KO KAR BUKI:

1. Intervener I1A – MENMEN*-BWIJ an JUKJUK in bed eo ion MURLE, ilo aelon KWAJALEIN
2. Intervener I1B- Menmbwij
3. I1C – Juon Petition non Irojlaplap Anjua Loeak
4. I1D – Certificate of Traditional Successor
5. I1E - Kalimur eo aliktata ikkijen Jea eo an Senior Dri Jerbal ion Murle, Kwajalein
6. Nack TRC1 – Genealogy Chart
7. Nack TRC2 – Memorandum
8. Nack TRC3 – Certification Document Title & Interest
9. Nack TRC4 – Certificate of Death
10. Nack TRC5 – Memorandum
11. Nack TRC6 – Revocation of Power of Attorney
12. Nack TRC7 – Letter of Clarification
13. Nack TRC8 – Letter from Ministry of Finance
14. Nack TRC9 - Judgement And Order
15. P-6a – Certification of Traditional Successor
16. P-6b – Minute in Kwelok, Koba Maron
17. P-6c – Affidavit of Irojlaplap Anjua Loeak
18. P-6d - Genealogy Chart

WAWEN KO JET PANEL EO EJ TOMAK BWE REJ AIKUJI WALOK:

Ikkijen Intervener kein kamol Exhibit I1A, KON eo an Irojlaplap Anjua Loeak, Alab Libol im kab Senior Dri Jerbal Labio rar sign ilo kar March 1985, ejjab kemlet ak kalikar bwe maron eo

bwe ej un eo in ear koman bwe Committee eo an Koba Maron en kile bwe ejimwe im jejjot bwe Sears, kin kabbe an Lato en kabwijer maron eo an Senior Dri Jerbal ion Murle Island, Kwajalein Atoll. Lato ear jab juon party ilo case in mene ear bed ilo kar ien kwelok eo an Koba Maron eo Im ear koman ion Ebeye, Kwajalein Atoll ilo February 2012 eo. Ak emaron file an abnono jabdrewot ien nae Sears Kobeney.

Ilo kar ien ronjake eo ro uwaan kar Committee eo an Koba Maroni m kar kelet er bwe ren etal non Ebeye ilo Kwajalein Atoll non koman kwelok eo iben bamle kein, rar kamol bwe ejimwe bwe Sears Kobeney en e eo ej kabwijer maron eo an Senior Dri Jerbal non Murle Island ilo tore in. Iroj Kotak Loeak ear bed ilo kar kwelok in im ear komman ion Ebeye ilo February 7, 2012, ak ear jab maron jadre imaan court in non kamol ikkijen kwelok in im ear komman ion Ebeye, im ear bareinwot ejelok an naan ilo jeje nae minute in kwelok eo im ear sign jen officer ro an Koba Maron, eo im Irojlaplap Anjua Loeak ear erra kake.

Kin meninm, panel eo an TRC eo im ear ronjake case in ej erra bwe ejimwe im jejjot bwe Sears Kobeney, en e eo ej kabwijer maron eo an Senior Dri Jerbal non Murle Island ilo Kwajalein Atoll. Erra in ej bedbed wot ion Menmenbwij eo an bamle in einwot ke Murle Island ej imon bwij im botoktok eo ejjanin loot

ETAN DRI KAMOL RO AN RI JUMAE ABNONO JAIBOL ANNI NACK:

1. Jaibol Anni Nack

ETAN DRI KAMOL RO NON DRI JUMAE ABNONO SEARS KOBENEY:

1. Atte Lang
2. Alvin Jacklick
3. Abji Jally
4. Betry Langijota
5. Hongra Hanerc
6. Sears Kobeney


ETAN RI KAMOL RO AN INTERVENER MARK MAWILONG:

1. Helbi Mawilong

an Senior Dri Jerbal en jab etal non ro nejin maan. Ej ba wot bwe Menmenbwij in ej 'road map' eo in non an ro tok elik naj loore.

Alab Alaj, ak maron eo im eddro ko an juon Alap ilo an tel im lorlorjake makitkit ko ion bwidrej non ro ilo bwij eo ekoba ro nejin kora im ro nejin emaan. Ej enin bwe en tel armij ro ion bwidrej eo ikkijen jermal ko rekkar non komman bwe bwidrej eo en emman. Ijowotke, elane ej itok non ukot karokan lajrak ko ion juon bwidrej kin maron ko einwot ilo case in, eo an Dri Jerbal, ej aikuj lale ta lemnak ko an ro me ekkar bwe en er eo. Ilo case in an Murle ej alikar ilo kar ien kwelok eo ilo Ebeye, Kwajalein ilo kar February 7, 2012 bwe Lato Lankieo im Sears Kobeney rar jab erra ilo lemnak eo an Alap eo bwe en Mark Mawilong eo ej kabwijer maron eo an Senior Dri Jerbal non Murle Island (lale kein kamol P-6b, ak video in kar ien kwelok eo ilo kar Ebeye, Kwajalein, ilo February 7, 2012).

Raan: 07/15/14



Walter K. Elbon
Presiding Judge of the Panel
Traditional Rights Court



Nixon David
Judge of the Panel
Traditional Rights Court



Grace Leban
Judge of the Panel
Traditional Rights Court